



OYSTER PERPETUAL  
SEA-DWELLER 4000

**ROLEX**  
MICHELSEN  
ÚRSMÍÐIR  
Laugavegur 15 - 101 Reykjavík  
511 1900 - www.michelsen.is

# MARKAÐURINN

Miðvikudagur 6. apríl 2016

14. tölublað | 10. árgangur

FYLGIRIT FRÉTTABLAÐSINS UM VIÐSKIPTI OG FJÁRMÁL



# 3.380 milljóna niðurskurður

Reykjavíkurborg ætlar að skera niður rekstur borgarinnar um næstum 3,4 milljarða króna. Þar af verður sparað um 1,8 milljarða á þessu ári. Borgarstarfsmönnum hefur fjölgað um 244 frá árinu 2010. »6

FRÉTTABLAÐIÐ/STEFÁN



»2

**Vilja sushi**

Á meðal tíu vinsælustu veitingastaðanna eru þrír sushi-staðir.

»4

**Lítið fundað**

Stjórnstöð ferðamála hefur haldið þrjá fundi frá stofnun í nóvember.

»8

**Svipmyndin**

Guðbrandur Sigurðsson Hættur í fjallgöngum og farinn í golf.

»10

**Hrakspár Lars**

Lars Christensen skrifar um öfgastefnur.

»12

**Einn sökudólgur**

Stjórnarmaðurinn spár í stöðu Sigmundar.

## Sjónmælingar í Optical Studio

Tímapantanir í síma:

Optical Studio í Smáralind  
sími 5288500

Optical Studio í Keflavík  
sími 4213811

Optical Studio í Leifsstöð  
sími 4250500

Optical Studio  
SMÁRALIND • LEIFSTÖÐ • KEFLAVÍK



# SKJÓÐAN

## Höfum við efni á Sigmundi Davíð?

**YFIRLEITT** eru stjórnarkreppur hér á landi til heimabruks. Áhrif þeirra eru lítil utan landsteina. Svo er ekki nú. Ísland er forsiðuefni um víða veröld. Dæmalaust viðtal forsætisráðherra, þar sem hann reyndi að ljúga sig út úr viðtali við sænskan fréttamann, er eitthvert vinsælasta myndefnið á veraldarvefnum.

**SIGMUNDUR DAVÍÐ GUNNLAUGSSON** er nefndur sem hluti ósvífnu tylftarinnar (dirty dozen). Þar er hann í hópi með fyrirlitlegum einræðisherrum. Að sönnu er Sigmundur Davíð hvorki harðstjóri né fjöldamorðingi eins og sumir á þessum lista enda listanum ekki ætlað að sýna fram á glæpi heldur siðleysi og spillingu.

**ÞEGAR** þetta er skrifað hafa forystumenn í íslensku atvinnulífi lýst áhyggjum sínum af því fjárhagsstjóri, sem seta Sigmundar Davíðs í embætti forsætisráðherra getur valdið íslenska þjóðarbuinu. Þegar virðist farið að bera á afþöntunum erlendra ferðamanna á ferðum hingað til lands og forsvarsmenn útflutningsgreina hafa áhyggjur af því að spilltur forsætisráðherra og ríkisstjórn geti spillt mikilvægum mörkuðum.

**FRÁ HRUNI** hefur það orð farið af okkur Íslendingum, með réttu eða röngu, að við höfum tekið af festu á hruninu og orsökum þess. Vitnað er til þess að á Íslandi hafi bankamennirnir verið settir í fangelsi og hér sett ný stjórnarskrá. Íslenskir útflytjendur hafa fundið fyrir jákvæðum áhrifum vegna þessa á erlendum mörkuðum.

**NÚ ER** íslenski forsætisráðherra á forsiðum helstu fjölmiðla í heimi sem eitt helsta dæmið um spilltan stjórnámamann sem skapar eld að eigin köku og skapar sér og sínum annan efnahagslegan veruleika en hann ætlar þjóð sinni. Með réttu eða röngu er þetta staðreynd málsins.

**ÞANNIG ER** núverandi stjórnarkreppa ekki til heimabruks eingöngu. Nú veit allur heimurinn að forsætisráðherra er ósannindamaður sem varðveitir peningana sína í alþekktu skattaskjól. Orð hans um að allt hafi verið gefið upp og greiddir af skattar eru léttvæg. Hann hefur þegar orðið uppvís að því að fara frjállega með sannleikann. Á meðan slíkur maður situr í embætti forsætisráðherra geta útflutningsmarkaðir glatast.

**EF SJÁLFR** forsætisráðherra treystir sér ekki til að geyma peninga sína í heimalandinu og í gjaldmiðli eigin þjóðar því skyldu erlendir fjárfestar treysta þessu landi? Hvernig ætla menn að afnema gjaldeyrishöftin og byggja upp trúna á hagkerfinu þegar sjálfur forsætisráðherra gætir þess vandlega að hans eigin peningar komi þar hvergi nærri?

**ÞAD ER** óþekkt í vestrænum lýðræðisríkjum að kjörnir fulltrúar og ráðamenn geymi peninga í aflandskattaskjólum og komist upp með það. Komist íslenskir ráðamenn upp með slíkt verður Ísland talið með þriðjaheimsríkjum en ekki vestrænum lýðræðisríkjum. Það getur haft afdrifarið og ófyrirsjáanlegar afleiðingar fyrir útflutningstekjur og hag þjóðarinnar.

### MARKAÐURINN

ÚTGÁFUFLAG 365 miðlar ehf., Skaftahlíð 24, 105 Reykjavík, sími 512 5000

Netfang ritstjorn@markadurinn.is | Sími 512 5000 | Fax 512 5301

Umsjón Jón Hákon Halldórsson jonhakon@365.is

Ábyrgðarmaður Kristín Þorsteinsdóttir | Forsiðumynd Stefán Karlsson  
Netfang auglýsingadeildar auglysingar@markadurinn.is Veffang visir.is

## FRÉTTABLAÐIÐ

# 59,9%

íbúa á höfuðborgarsvæðinu á aldursbilinu 12–80 ára lesa Fréttablaðið daglega.\*

Sá fjöldi myndi fara langt með að fylla sæti Laugardalsvallar tíu sinnum.

59,9% lesa Fréttablaðið

29,9% lesa Morgunblaðið

Gallup, okt.–des. 2015.



Allt sem þú þarft ...



Tokyo Sushi var með 17,1 prósent markaðshlutdeild meðal tíu vinsælastu veitingastaða í Reykjavík. FRÉTTABLAÐIÐ/STEFÁN

# Íslendingar vilja sushi

Sushi er í miklu uppáhaldi hjá Íslendingum en þrír af tíu vinsælastu veitingastöðum Reykjavíkur, samkvæmt niðurstöðum Meniga, eru sushi-staðir. Mikill munur er á uppáhaldsveitingastöðum Íslendinga og ferðamanna.

Tokyo Sushi var sá veitingastaður landsins sem Íslendingar versluðu mest við á þriggja mánaða tímabili sem náði til loka febrúar. Samkvæmt niðurstöðum Meniga nam markaðshlutdeild veitingastaðarins 17,1 prósent meðal tíu vinsælastu veitingastaða Reykjavíkur og jókst hún um 0,6 prósent milli ára.

Í öðru sæti var Snaps Bistro sem var með 10,8 prósent markaðshlutdeild, en tapaði 4,2 prósent hlutdeild milli ára. Í þriðja sæti var svo VOX á Hilton Nordica. Sushi er greinilega vinsæll réttur meðal notenda Meniga en þrír af tíu vinsælastu stöðunum eru sushi-staðir og eiga þeir 36,1 prósent markaðshlutdeild meðal tíu vinsælastu veitingastaðanna.

Milli ára bætti Sushisamba við sig mestri markaðshlutdeild eða 1,4 prósentum. Á eftir Snaps lækkaði markaðshlutdeild Grillmarkaðarins mest, eða um 2,1 prósent.

Vegamót er vinsælasti staðurinn meðal yngsta aldurshópsins 16 til 25 ára, með 23 prósent markaðshlutdeild. Tokyo Sushi er vinsælastur meðal aldurshópanna 26 til 55 ára, en 56 ára og eldri sækja mest VOX.

☞ Munur er á uppáhaldsstöðum Íslendinga og ferðamanna

### MENIGA

Veitingastaðir	Markaðshlutdeild
Tokyo Sushi	17,1%
Snaps Bistro	10,8%
VOX	10,6%
Osushi	9,8%
Apotek restaurant	9,7%
Vegamót	9,5%
Sushisamba	9,2%
Slippbarinn	8,9%
Grillmarkaðurinn	7,7%
Tapas barinn	6,7%



tripadvisor

### Veitingastaðir

Friðrik V
Ostabúðin
Resto
Matur og drykkur
Fiskmarkaðurinn
Kaffivagninn
Old Iceland Restaurant
Sjávargrillið
Forréttabarinn
Fiskfélagið

Það kemur ekki á óvart að yngsti aldurshópurinn ver lögstri upp-hæð þegar hann fer út að borða, eða 2.667 krónum að meðaltali, 46–55 ára hópurinn eyðir mestu, eða 5.347 krónum.

Ljóst er að mikill munur er á uppáhaldsstöðum Íslendinga og ferðamanna í Reykjavík. Engan af vinsælastu veitingastöðunum samkvæmt niðurstöðum Meniga er að finna á topp tíu vinsælastu stöðum í Reykjavík samkvæmt TripAdvisor. TripAdvisor er ferðasiða sem ferða-

menn nýta sér til að finna veitingastaði, hótél og affreyningu á ferðalögum. Þeir geta svo gefið einkunn eftir ánægju.

Þegar litið er á topp tuttugu listann á TripAdvisor má hins vegar sjá tvo veitingastaðina sem vinsælastir eru samkvæmt niðurstöðum Meniga; Grillmarkaðurinn og Apotekið.

Úrvinnsla Meniga byggir á tölfraðilegum samantektum sem aldrei eru persónugreinanlegar. saeunn@frettabladid.is

## Vikan sem leið

### 414

aflandsfélög voru stofnuð af Landsbankanum í Lúxemborg, dótturfélagi gamla Landsbankans. Þetta kom fram í umfjöllun Kastljóss um Panama-skjölun svokölluðu um aflandsfélög og skattaskjólum. Gögnin koma frá lögmannsstofunni Mossack Fonseca í Panama. Bankinn var langumsvifamestur íslenskra banka við stofnun aflandsfélga.

### 6,5

prósent vextir

Seðlabanki Indlands hefur lækkað vexti á lánum sínum til banka um 0,25 prósent, niður í 6,5 prósent. Vextirnir hafa ekki verið lægri í fimm ár. Vonast er til að með lægri vöxtum munu fjárfestar opna pyngjur sínar á ný og auka fjárfestingar. Hagvöxtur um þessar mundir er hærri í Indlandi en í Kína.

### 645,8

milljarða útgjöld

Heildarútgjöld ríkissjóðs á árinu 2015 námu 645,8 milljörðum króna að því er fram kemur í bráðabirgðaársuppgjöri sem sýnir stöðu fjármála á árinu hjá einstökum ríkisaðilum í A-hluta ríkissjóðs með hliðsjón af veittum fjárheimildum. Samtals voru 10,3 milljarðar króna innan fjárheimilda ársins.

## Á döfinni

**Miðvikudagur 6. apríl**  
**ÞJÓÐSKRÁ ÍSLANDS** Fasteignamarkaðurinn í mánuðinum eftir landshlutum.  
**HAGSTOFA ÍSLANDS** Vöruviðskipti við útlönd, mars 2016, bráðabirgðatölur.

**Föstudagur 8. apríl**  
**ÞJÓÐSKRÁ ÍSLANDS** Trúfélagsbreytingar.

**Mánudagur 11. apríl**  
**LÁNAMÁL RÍKISINS** Mánaðarlegar markaðsupplýsingar Lánamála ríkisins.

**HAGSTOFA ÍSLANDS** Efnahagslegar skammtimatölur í apríl 2016.

**Þriðjudagur 12. apríl**  
**ÞJÓÐSKRÁ ÍSLANDS** Fjöldi þinglýstra leigusamninga um íbúðarhúsnæði eftir landshlutum.  
**EIK** Aðalfundur 2016.

**Fimmtudagur 14. apríl**  
**VESTMANNAEYJABÆR** Breyting á uppgjördegi vegna ársreiknings 2015.  
**LANDSBANKINN** Aðalfundur.

**Föstudagur 15. apríl**  
**HAGSTOFA ÍSLANDS** Samræmd vitatala neysluverðs í mars 2016.  
**HAGSTOFA ÍSLANDS** Fiskafli mars 2016.  
**VINNUMÁLASTOFNUN** Atvinnuleysis-tölur Vinnuálastofnunar.

**Mánudagur 18. apríl**  
**FÍ FASTEIGNAFÉLAG** Aðalfundur Fí fasteignafélags slhf.

**Þriðjudagur 19. apríl**  
**ÞJÓÐSKRÁ ÍSLANDS** Vitatala íbúðaverðs á höfuðborgarsvæðinu.



# SOCIAL PROGRESS WHAT WORKS?

28 APRIL 2016

HARPA Conference Centre, Reykjavík, Iceland

Norðurljós Hall: 08:30-15:00

Silfurberg: 16:00-18:00

Moderator: Michael Green, CEO of SPI

Join Professor **Michael E. Porter** for a meeting of social innovators from around the globe to identify solutions to some of the world's biggest problems.



The conference will be a watershed discussion of how countries, cities and regions have achieved standout social progress results. Insight from the Social Progress Index will anchor these conversations.

**Space is limited, so register now: [www.gekon.is](http://www.gekon.is)**

## SESSION 1: BASIC HUMAN NEEDS



**Dr. Swarnim Wagle, Nepal**  
Former Member, Nepal Planning Commission



**Francis Gatare, Rwanda**  
Chief Executive Officer, Rwanda Development Board

## SESSION 2: FOUNDATIONS OF WELLBEING



**Dr. Gunnar Haraldsson, Iceland**  
Chief Economist, Gekon



**Mr. Beto Verissimo, Brazil**  
Co-founder, Imazon

## SESSION 3: OPPORTUNITY



**Dr. Girol Karacaoglu, New Zealand**  
Chief Economist, New Zealand Treasury



**Angel Toña**  
Basque Minister of Employment and Social Affairs

## SESSION 4: SOCIAL PROGRESS IN AGGREGATE



**Victor Umaña, Costa Rica**  
Director CLACDS, INCAE Business School



**City of Medellín representative (TBD)**

## OTHER SPEAKERS

**Prime Minister of Iceland**  
**Ms. Liv Bergþórsdóttir**, CEO, NOVA  
**Mr. Dagur B. Eggertsson**, Mayor, City of Reykjavík  
**Mr. Matthew Bishop**, The Economist  
**Dr. Jón Atli Benediktsson**, President, University of Iceland

**Prof. Martha Minow**, Dean, Harvard Law School  
**Prof. Marc Fleurbaey**, Chair, International Panel on Social Progress  
**Ms. Mette Lindgaard**, Partner, Deloitte  
**David Erasmus & Louis Cole**, founders of The Solvey Project

**More information and full program here: [www.socialprogressimperative.org](http://www.socialprogressimperative.org)**



PRIME MINISTER'S OFFICE



NOVATOR







Sigurður Hannesson segir Sigmund ekki hafa rætt persónuleg fjármál sín eða eigin konu sinnar við sig áður en sagt var frá Wintris opinberlega. FRÉTTABLAÐIÐ/STEFÁN

## Sigurður segist ekki hafa vitað af Wintris

Sigurður Hannesson, fulltrúi Sigmundar Davíðs Gunnlaugssonar í framkvæmdahópi um afnám fjármagnshafta, segir að sér ekki hafa verið kunnugt um eðli félagsins Wintris áður en sagt var frá því í fjölmiðlum. „Mér var ekki kunnugt um það að þau ættu kröfur á föllnu bankana, hvers eðlis félagið Wintris væri eða hvar í heiminum það væri staðsett,“ segir Sigurður í skriflegu svari til Markaðarins.

Sigmundur seldi helmingshlut í Wintris til Önnu Sigurlaugar Pálsdóttur, eiginkonu sinnar, á gamlársdag 2009. Félagið lýsti kröfum að verðmæti hálf milljarðs króna í þrotabú föllnu bankanna.

Sigurður segir Sigmund ekki hafa rætt við sig um persónuleg fjármál sín eða Önnu Sigurlaugar Pálsdóttur

fyrir en fjallað hafi verið um málið á opinberum vettvangi.

Sigurður var skipaður af Sigmundi sem formaður sérfræðingahóps um höfuðstólslækkun verðtryggðra húsnæðislána árið 2013. Þeir voru einnig saman við nám í Oxford á Bretlandi.

Anne Krueger, fyrrverandi aðstoðar framkvæmdastjóri Alþjóðagjaldeyrissjóðsins, sem starfaði sem hagfræðilegur ráðgjafi stjórnvalda við haftalosun, segist ekki vita neitt um Wintris og vill því ekki tjá sig frekar.

Óskað var eftir viðtali við Lee Buchheit, sem starfaði hefur sem ráðgjafi stjórnvalda við haftalosun og við Icesave-samningaviðræðurnar en ekki var orðið við þeirri beiðni. – ih

## Veita ekki ráðgjöf vegna stofnunar aflandsfélaga

Talsmenn viðskiptabankanna þrjú segja allir að frá því að bankarnir voru stofnaðir haustið 2008 hafi þeir ekki aðstoðað einstaklinga eða lögaðila við að stofna reikninga eða félög á aflandssvæðum.

Óhætt er að segja að umræða um aflandsfélög hafi skekið íslenskt samfélag undanfarið eftir að Anna Sigurlaug Pálsdóttir, eiginkona Sigmundar Davíðs Gunnlaugssonar forsætisráðherra, sagði frá því að hún ætti félagið Wintris sem skráð er á Bresku Jómfrúaejnum. Síðar hefur komið í ljós að tveir ráðherrar Sjálfstæðisflokksins og tveir borgarfulltrúar tengdust aflandsfélögum. Þá var greint frá því í Kastljósþætti að sex hundruð íslenskir einstaklingar eða lögaðilar ættu 800 félög sem skráð væru á aflandssvæðum.

Komið hefur fram að mörg þeirra félaga sem voru stofnuð voru stofnuð með aðstoð Landsbankans

í Lúxemborg sem var dótturfélag gamla Landsbankans. Í yfirlýsingu sem birtist á vef nýja Landsbankans í gær kemur fram að bankinn hafi ekki veitt sambærilega ráðgjöf frá því að hann var stofnaður og muni ekki gera. Þetta er í samræmi við stefnu sem Landsbankinn hf. setti árið 2010 þar sem mikil áhersla er lögð á samfélagslega ábyrgð.

Haraldur Guðni Eiðsson, upplýsingafulltrúi Arion banka, segir jafnframt að bankinn veiti ekki þjónustu af þessu tagi og Edda Hermannsdóttir, upplýsingafulltrúi Íslandsbanka, segir hið sama. „Íslandsbanki hefur hvorki aðstoðað einstaklinga né lögaðila við að stofna reikninga eða hlutafélög á aflandssvæðum. Slík þjónusta hefur ekki verið hluti af skilgreindu vöruframboði bankans eftir að hann var stofnaður í október 2008,“ segir í svari Eddu. – jhh



Tveir starfsmenn vinna hjá Stjórnstöðinni. Kostnaður ríkisins við Stjórnstöðina er 65 milljónir á þessu ári. FRÉTTABLAÐIÐ/PJETUR

# Stjórn ferðamála hefur þrisvar komið saman

Stjórn Stjórnstöðvar ferðamála hefur haldið þrjá fundi frá stofnun stöðvarinnar 1. nóvember síðastliðinn. Fréttablaðinu er neitað um aðgang að fundargerðum. Sjötíu milljónum króna af skattfé verður varið til Stjórnstöðvarinnar í ár.

Stjórn Stjórnstöðvar ferðamála hefur aðeins komið þrisvar saman frá því að Stjórnstöðin var sett á laggirnar þann 1. nóvember á síðasta ári. Þegar stjórnstöðin var sett á fót sagði ráðherra ferðamála mikið vera undir þar sem í ferðaþjónustu og uppbyggingu hennar fælist mikið sóknarfæri til aukinnar hagsældar samfélagsins.

Stjórn Stjórnstöðvar ferðamála er samansett af ráðherrum, fulltrúum ferðaþjónustunnar og fulltrúum Sambands íslenskra sveitarfélaga. Hún kom tvisvar saman í nóvembermánuði og einu sinni í byrjun marsmánaðar. Stjórnstöð ferðamála fær 65 milljónir frá hinu opinbera til rekstursins. Tveir starfsmenn eru starfandi hjá Stjórnstöðinni sem stendur.

Hörður Þórhallsson, framkvæmdastjóri Stjórnstöðvar ferðamála, segist ekki geta veitt aðgang að fundargerðum Stjórnstöðvarinnar og bendir á Ragnheiði Elínu Árnadóttur, iðnaðar- og viðskiptaráðherra, sem er formaður stjórnarinnar. „Verkefni Stjórnstöðvarinnar eru gríðarstór. Það er ekki eins og það komi inn ný verkefni í hverri viku. Ef vel gengur erum við að vinna verkefni í upp undir hálf ár,“ segir Hörður. „Það er því algjör óþarfi að halda öra fundi í stjórn Stjórnstöðvarinnar. Ég bað meira að segja um að sleppa einum fundi. Þegar á þarf að halda, þá eru fundir haldnir í stjórninni.“

Svar ráðuneytis Ragnheiðar við

beiðni Fréttablaðsins um að fá aðgang að fundargerðum stjórnarinnar var að því væri hafnað. Voru svörin á þá leið að fundargerðir stjórnar væru vinnugögn og því undanþegin upplýsingarétti og leynd hvíldi yfir fundum stjórnarinnar.

Hörður var ráðinn sem verktafi til sex mánaða og rennur samningur hans út á næstu vikum. Hann sagði umræður um framtíð sína hjá Stjórnstöðinni vera hafnar milli hans og stjórnarinnar.

Fréttablaðið reyndi að ná tali af Ragnheiði Elínu Árnadóttur við vinnslu fréttarinnar. Þrátt fyrir ítrekaðar tilraunir bar það ekki árangur. sveinn@frettabladid.is

## Óvissan hefur áhrif á skuldabréfamarkað

Ávöxtunarkrafa á flesta flokka ríkisbréfa hefur hækkað eftir helgina. Jón Bjarki Bentsson, sérfræðingur hjá Greiningu Íslandsbanka, telur að þetta tengist óvissu um framtíð ríkisstjórnarinnar. Tímasetning aflandskrónuútbóðs er háð lagafrumvarpi frá Alþingi og pólitísk óvissa gæti haft áhrif á afdrif þess máls. Jón Bjarki segir að ávöxtunarkrafa á lengri flokka ríkisbréfa hafi hækkað um 0,3 prósent. „Það eru virkustu viðskiptin með þá þannig að þeir eru ágætis mælikvarði á stemninguna á markaði frekar en styttir flokkarnir,“ segir hann.

Jón Bjarki segir hækkinguna tengist almennri skammtímaóvissu

vegna óróa á stjórnarheimilinu en ekki síður því að menn hafa áhyggjur af því að erlendir fjárfestar haldi sig til hlés í bili. „Þeir hafa haft mikil áhrif á markaðinn síðustu mánuðina og væntingar um þeirra hegðun er ekki hvað síst drifkraftur.“

Jón Bjarki segir rétt að halda því til haga að þrátt fyrir þessar hreyfingar þá sé ávöxtunarkrafan á ríkisbréf ekkert tiltakanlega há miðað við undanfarnar vikur. „Þó velta hafi verið töluverð og meiri svartsýni ríkjandi á markaði þá er eftir sem áður yfirvegum frekar en að það sé einhver allsherjar flótti á markaði,“ segir Jón Bjarki. – jhh

SMIÐIR - VERKAMENN - MÚRARAR

ERUM MEÐ VANA SMIÐI,  
VERKAMENN, MÚRARAR OG PÍPARA  
SEM ERU KLÁRIR Í MIKLA VINNU.

HANDAFL EHF s. 777 2 333





## Fiskislóð 10

625 m<sup>2</sup> á 2. hæð

Skrifstofuhúsnæði á vinsælu svæði nálægt höfninni. Nýr séringangur á austurhlíð væntanlegur. Möguleiki á að innrétta eftir þörfum leigutaka.



## Dalshraun 3

400 m<sup>2</sup> á jarðhæð, séringangur

Bjart og rúmgott skrifstofu- eða þjónustuhúsnæði. Reitir innrétta húsnæðið í samræmi við þarfir leigutaka.



## Hátún 2b

365 m<sup>2</sup> á 2. hæð

Vandaðar skrifstofur með parketi og gólfsíðum gluggum. Rúmgóð rými í kjallara bjóða upp á ýmsa nýtingarmöguleika.



## Höfðabakki 9

416 m<sup>2</sup> á 5. hæð

Skrifstofuhúsnæði á 5. hæð í þessari glæsilegu byggingu. Möguleiki á að innrétta og endurnýja eftir þörfum leigutaka.

# TIL LEIGU

Allar nánari upplýsingar, myndir og teikningar, má nálgast á [www.reitir.is](http://www.reitir.is) og hjá Halldóri Jenssyni sölustjóra í **840 2100** eða [halldor@reitir.is](mailto:halldor@reitir.is).

Kringlan 4–12

103 Reykjavík

[www.reitir.is](http://www.reitir.is)

575 9000

# REITIR

*Velkomin til starfa*





Halldór Halldórsson, oddviti sjálfstæðisanna, tók til máls þegar borgarstjórn kom saman til fundar í Ráðhúsi Reykjavíkur eftir hádegisdag. FRÉTTABLAÐIÐ/STEFÁN

# Borgarstarfsmönnum fjölgað um 244

Starfsmönnum Reykjavíkurborgar hefur fjölgað um 244 frá 2010, að sögn formanns Sambands íslenskra sveitarfélaga. Nú verður breytt um kúrs og hagrætt um rúma þrjú milljarða á þremur árum. Starfsmönnum fækka, húsnæði verður nýtt betur og hagrætt í innkaupum.

Jón Hákon Halldórsson  
jonhakon@365.is



Borgarstjórn Reykjavíkurborgar áætla að hagræða í rekstri á næstu þremur árum um 3,38 milljarða króna á föstu verðlagi til og með árinu 2018. Meirihluti hagræðingar kemur fram strax í ár, eða 1,78 milljarðar króna. Stærstur hluti þeirrar hagræðingar, eða um 670 milljónir króna, er á skóla- og frístundasviði.

Hagræðingaraðgerðirnar hafa ekki síst komið illa við leikskólastjóra sem funduðu með yfirmönnum skóla- og frístundasviðs undir lok síðustu viku. Í fjölmiðlum hefur komið fram að þeir sjá ekki fram á að geta rekið leikskólana komi til aukins niðurskurðar í rekstri þeirra. Helgi Grímsson, sviðsstjóri skóla- og frístundasviðs, sagðist í samtali við Stöð 2 á föstudag vera sammála leikskólakennurum um að sparnaður í leikskólum væri kominn að þolmörkum. En hann telur fullvíst að leikskólakennurum þurfi ekki að búa við skerta þjónustu. „Þetta á ekki að koma beint við þjónustuna við börnin. Það sem við erum fyrst og fremst að hagræða á þessu ári er


í kaupum á vörum og þjónustu,“ segir Helgi.

Undir þetta tekur Dagur B. Eggertsson borgarstjóri og bendir á að skóla- og frístundasvið sé langstærsta svið borgarinnar. „Við erum að spara minna hlutfallslega á skóla- og frístundasviði en í borgarrekstrinum í heild sinni.“ Þetta tiltekna svið fái um 40 prósent af útgjöldum borgarinnar.

„Stærð skóla- og frístundasviðs er einfaldlega þannig að ef við ætlum að loka þessu gati þá getum við ekki sleppt því að horfa líka þangað,“ segir Dagur. Hann segist ánægður með að skóla- og frístundasvið hafi lagt áherslu á að skerða ekki þjónustu við börnin.

„Það er verið að horfa á innkaup, verið að horfa á húsnæðismál, skipulagsmál og sparnað í yfirstjórn. En þessi óróleiki og óánægja sem maður skynjar tengist ekki bara því að það þurfi að hagræða heldur því að við erum að innleiða meira aðhald í fjármálin í heild sinni í öllu borgarkerfinu. Við tókum upp reglu sem reyndist mjög vel fyrir hrun þannig að þeir sem skila afgangi taki þann afgang með sér milli ára. Og þar sem um halla er að ræða, sem megi ekki rekja til óhagstæðra ytri skilyrða heldur ákvarðana í stjórnun, þá taki þeir með sér þann halla milli ára,“ segir Dagur.

## Veltufé frá rekstri sem hlutfall af heildartekjum



## Vill hagræða árlega

Í erindi sem Birgir Björn Sigurjónsson, fjármálastjóri Reykjavíkurborgar, hélt á ráðstefnu um kynjaða hagræðinguna í síðustu viku sagði hann að það ætti að vera árlegur viðburður hjá hverju sveitarfélagi að hagræða um 1,5 prósent. Sagði hann að þetta væri regla hjá dönskum sveitarfélögum og þætti ekki mikið mál.

Birgir Björn sagði að í desember síðastliðnum hefði verið gert ráð fyrir því að halli á A-hluta borgarsjóðs (það er sá hluti borgarsjóðs sem er fjármagnaður með skatt-

tekjum) yrði 13,4 milljarðar árið 2015. Þetta væri verulegt áhyggjuefni. Hann sagði það jafnframt vera áhyggjuefni að veltufé frá rekstri (þ.e. afgangur af rekstrarfé), sem hlutfall af tekjum, færi minnkandi. Það var 8,8% árið 2013, 5,4 prósent ári seinna og fimm prósent árið 2015. Birgir sagði að hugsanlega mætti rekja þá ástæðu til þess að ekki væri tekið reglulega til í rekstri borgarinnar.

Dagur borgarstjóri segir í samtali við Markaðinn að ástæða versnandi rekstrarstöðu borgarinnar sé sú að launin taki herra hlutfall af rekstrarfé. „Það er í raun glíman sem meira og minna öll sveitarfélög hafa átt við að stríða síðastliðin tvö ár. Það er búið að gera löngu tímaþæra, en óneitanlega býsna framþunga, kjarasamninga við allar stóru stéttirnar hjá sveitarfélögum,“ segir Dagur. Af þessari ástæðu þurfi að spara í rekstri sveitarfélagsins til lengri tíma. „Við viljum hafa jafnvægi milli reglulegra gjalda og tekna.“

## Sömu vinnubrögð og í OR

Dagur segir að unnið sé faglega og skipulega að því að draga úr kostnaði. „Við erum að nota sömu vinnubrögð og við notuðum í Orkuveitunni, þótt skalinn og stærðargráðurnar séu allar miklu minni.“

## Dregið úr launakostnaði

Undir lok síðasta árs var ráðist í aðgerðaráætlun til þess að takast á við rekstrarstöðu borgarinnar. Áætlanin miðar að því að draga úr launakostnaði og öðrum rekstrarkostnaði og ná fram jafnvægi í rekstri borgarinnar árið 2018 þannig að veltufé frá rekstri komist upp í níu prósent.

Birgir Björn segir að við áætlun um niðurskurð hafi verið horft til mannréttindastefnu borgarinnar og þess að staðinn yrði vörður um grunnþjónustu borgarinnar. „Og þetta átti líka við árið 2009, þegar við fórum í aðgerðirnar þá. Að standa vörð um grunnþjónustuna í merkingu félagsþjónusta, skólar og svo framvegis. Síðan var ákveðið með gjaldskrárnar að standa vörð um hagsmuni barnafjölskyldna á meðan við sáum atvinnulífð frekar þurfa að taka á sig verðlagsbreytingar og kostnaðarbreytingar,“ sagði Birgir. En hann segir að það þurfi að hægja á ráðningum starfsmanna og jafnvel fækka starfsmönnum. Nýta þurfi það húsnæði sem borgin eigi betur og standa betur að ramma-samningum um innkaup.

Halldór Halldórsson, oddviti sjálfstæðisanna í borgarstjórn og formaður Sambands íslenskra sveitarfélaga, telur að borgin geti hagrætt meira þegar kemur að launakostnaði. Hann bendir á að stöðugildum



hafi fjölgað um 160 á árunum 2010 til ársins 2014 og á milli árunna 2014-2015 hafi aukningin numið um 66 stöðugildum. Fjölgunin er samtals 244 starfsmenn. Hann bendir á að þar eigi eftir að telja upp stöðugildi sem hafa orðið til vegna málefna fatlaðra eða atvinnuáttaks- verkefna.

Halldór segir ekki vitað hvar í borgarkerfinu þessi stöðugildi sem urðu til hafi raðast. „Við erum með einn utanaðkomandi ráðgjafa hjá borginni varðandi reksturinn og það er fjöldi starfshópa sem er að greina hvert svið og hverja deild,“ segir Halldór. Hann segir ekkert verkþókhald vera notað hjá borginni og því fari mikil orka í það að greina stöðugildafjölda á hverju sviði og hvaða hlutverki hvert stöðugildi gegni. „Verkþókhald hefði hins vegar fært okkur alveg heim sanninn um það,“ segir Halldór.

Dagur tekur undir að fjöldi starfsmanna sé á reiki og það þurfi að komast betur á hreint. Hann segir stöðugildi vera mjög kostnaðarmyndandi og þau séu klárlega eitthvað sem horft verði til við hagræðingu. Nákvæmlega eins og húsnæðisfermetrarir sem viðkomandi starfsemi er að nota, miðað við umfang starfseminnar. Við ætlum að skoða þessa föstu stóru liði. „Stöðugildi, húsnæðisfermetra og innkaup.“ Hann segir þegar verða hafist handa nú í ár við að fækka stöðugildum í miðlægri stjórnsýslu.

Halldór vill ekki að borgin einbeiti sér að því að fækka fólki og reka fólk heldur verði horft á innflæði starfsfólks. „Af því að við eigum að koma vel fram við okkar starfsfólk og tryggja því starfsöryggi eins og hægt er. Ég tala nú ekki um ef það er fólk sem er búð að vinna hjá borginni í tuttugu til þrjátíu ár



**Þetta átti líka við árið 2009, þegar við fórum í aðgerðirnar þá. Að standa vörð um grunnþjónustuna í merkingu félagsþjónusta, skólar og svo framvegis.**

Birgir Björn Sigurjónsson, fjármálastjóri Reykjavíkurborgar

og á kannski bara stutt eftir í starfslok. Mér finnst alveg grátlegt ef það kemur út úr þessum aðgerðum að slíkt fólk sé að missa sín störf. En það er eitthvað um það,“ segir hann.

Þá Dag og Halldór greinir á um hversu mikil aðkoma minnihlutans að mótun hagræðingartillagna hefur verið. „Ég hef lagt áherslu á

## Úr fjárhagsáætlun Reykjavíkurborgar fyrir árið 2016

Aðgerðaáætlun nær bæði til útgjalda og tekna í rekstri A-hluta. Á útgjaldahlíðinni er gert ráð fyrir hagræðingu í rekstri á þremur árum sem nemur alls 3.380 milljónum króna á föstu verðlagi ársins 2016, eða 3,7% af launum og öðrum rekstrarkostnaði.

Meirihluti hagræðingar kemur fram strax á árinu 2016, eða 1.780 milljónir króna. Á tekjuhliðinni er gert ráð fyrir auknum einskíptis-tekjum vegna eignasölu árin 2016 og 2017 sem nema 500 milljónum króna ár hvort.

Frá og með árinu 2018 er síðan gert ráð fyrir að Orkuveita Reykjavíkur geti farið að skila borgarsjóði hóflegum og varanlegum arðgreiðslum í takt við sterkar rekstrar- og skuldakennitölur. Allt tímabilið er gert ráð fyrir óbreyttum skatthlutföllum útsvars og fasteignagjalda.

Árið 2018 eru heildaráhrif aðgerða á rekstur orðin 4.380 milljónir króna á verðlagi ársins 2016, þar sem hagræðing í rekstri nemur samtals 3.380 milljónum króna og arðgreiðslur nema 1.000 milljónum.

# 670

milljónum króna nemur hagræðing á skóla- og frístundasviði.

það að minnihlutinn sé við borðið í þessu verkefni. Þess vegna er þverpólitískur stýrihópur sem fer fyrir málinu. Við höfum sagt að við ætlum að fara yfir allt, fara yfir alla hluti og greina þá og sjá hvort það sé ástæða til að gera breytingu,“ segir Dagur.

### Tillögur minnihlutans felldar

Halldór segir að oddvitahópur hafi verið stofnaður þar sem oddvitar hafi fengið kynningu á tillögnum. Sjálfstæðismenn hafi ekki lagt fram neina tillögur þar. „Hins vegar höfum við borgarfulltrúar Sjálfstæðisflokksins ítrekað lagt fram tillögur um hagræðingu og frestun verkefna í tengslum við fjárhagsáætlun. Það hefur nánast allt verið fellt. Grensásvegurinn er vinsælt dæmi.

Við höfum sagt sem svo að á meðan við erum í vandræðum og ætlum að spara til dæmis mat hjá gamla fólkinu, sérfræðipjónustu á leikskólum, þrjár og hálf milljón í að þrifa ekki götur (sem er klárt heilbrigðismál í mínum huga), þá eigum við ekkert að vera að setja 170 milljónir í að þrengja einhverja götu. Það má bara bíða. Við getum líka frestað því að byggja við bókasafn og alls konar hluti sem má fresta á meðan við erum að fara í gegnum þessa erfiðleika,“ segir hann.

Halldór segir jafnframt ýmsu hafa verið bætt við í rekstri borgarinnar á undanförunum árum, sem hefði mátt gera með minni tilkostnaði. Þar nefnir hann mannréttindasvið, umboðsmann borgarbúa, fjölda upplýsingafulltrúa og fleira sem mætti starfrækja í kerfinu með minni tilkostnaði. „En þarna eru snjóboltaáhrifin að verki. Þessar stofnanir eru að stækka. Þetta kostar hellingar pening og þegar maður hefur lítinn pening þarf að for-

gangsraða. Og þá þarf að forgangsraða í þágu grunnþjónustunnar, skólanna og leikskólanna og svo framvegis,“ segir Halldór. Hann segir minnihlutann ekki hafa haft mikil áhrif.

### Yfir hundrað milljónir í Pírataráð

Halldór veur líka athygli á því að sett hafi verið upp stjórnkerfis- og lýðræðisráð, sem hann segir að sé stundum kallað Pírataráð. Það kosti 30 milljónir á ári, sem samsvari 120 milljónum á kjörtímabilinu. „Það hefði alveg verið hægt að leysa það með öðrum hætti. Ég er ekki að sjá margt koma frá þessu ráði. Með fullri virðingu fyrir því.“

Halldór telur að tekjur séu þegar farnar að mæta þeim kostnaði sem hlaut af vegna nýrra kjarasamninga. „Mér sýnist það. Það er meiri bjartsýni í fjárhagsáætlunum fyrir 2016 en fyrir 2015. Almenni markaðurinn er um 80 prósent af launamarkaði. Þar voru miklar hækkningar. Og líka hjá ríkinu. Og auðvitað fá sveitarfélögin útsvar hjá öllu þessu fólki. Og svo útsvar hjá öllu sínu fólki líka.“

Þumalputtareglan sé hins vegar sú að laun starfsmanna sveitarfélaganna hækki á eftir launum starfsmanna á almennum markaði. Þá sé almenni markaðurinn búinn að fjármagna launahækkningar sveitarfélaganna.

„En það gerðist ekki síðast. Þannig að sveitarstjórnarfolk var mjög áhyggjufullt yfir því. En miðað við útkomuspár fyrir 2015 og yfirlit fyrir fjárhagsáætlun 2016 þá er að birta til í því. Og ég myndi telja að við værum á pari í því. En ég get ekki staðfest það með gögnum því við eigum ekki gögn fyrir fyrstu þrjá mánuði ársins. Þau eru bara ekki til.“



## Á meðan við prentum fyrir þig...

Umbúðir • Bækur • Tímarit • Fyrir skrifstofuna • Bæklingar  
Fjölóstur • Kynningarefni • Dagblöð • Stafrænt • Allskonar!

 ÍSAFOLDAR  
PRENTSMÍÐJA



Suðurhraun 1 | Garðabæ | Sími: 59 50 300 | [www.isafold.is](http://www.isafold.is)



ÓLI JÓN JÓNSSON



## Verkefnastjóri hjá BHM

Óli Jón Jónsson hefur verið ráðinn verkefnastjóri fag- og kynningarmála hjá Bandalagi háskólamanna (BHM). Hann er fæddur árið 1969, lauk BA-prófi í sagnfræði frá Háskóla Íslands árið 1996 og meistaraþrófi í Evrópufræðum frá háskólanum í Lundi, Svíþjóð, árið 1998. Undanfarin sjö ár hefur Óli verið upplýsinga- og alþjóðafulltrúi Ríkisendurskoðunar. – sg

ELÍN HELGA SVEINBJÖRNSDÓTTIR



## Fyrsta konan á formannsstóli

Elín Helga Sveinbjörnsdóttir er ný formaður SÍA, Samtaka íslenskra auglýsingastofa. Elín Helga er fyrsta konan sem gegnir embættinu, en hún hefur setið í stjórn SÍA undanfarin þrjú ár. Elín Helga er sálfræðimenntuð og hefur unnið í auglýsingageiranum í sextán ár. Hún er einn eigenda Hvíta hússins.

ÓLAFUR S. ÁSTPÓRSSON



## Tímabundinn forstjóri Hafró

Ólafur S. Ástþórsson hefur tímabundið verið settur forstjóri Hafrannsóknastofnunar. Ný rannsóknastofnun, Hafrannsóknastofnun, rannsókn- og ráðgjafastofnun hafs og vatna, sem sameinar starfsemi núverandi Hafrannsóknastofnunar og Veiðimálastofnunar, tekur til starfa þann 1. júlí nk. Sigurður Guðjónsson hefur verið skipaður forstjóri hennar og vinnur nú að því að koma henni á lagginnar.



Guðbrandur Sigurðsson starfaði áður sem framkvæmdastjóri hjá PwC á Íslandi frá árinu 2013. FRÉTTABLAÐIÐ/ANTON BRINK

# Fjallgöngur vikið fyrir golfi

Guðbrandur Sigurðsson tók við sem framkvæmdastjóri leigufélagsins Heimavalla um mánaðamótin. Heimavellir eru með tæplega fimm hundruð íbúðir í útleigu um allt land. Utan vinnunnar hefur Guðbrandur gaman af ferðalögum, golfi og fjallgöngum. Hann segir göngu á Eyjafjallajökul sérstaklega eftirminnilega.

## SVIPMYND

GUÐBRANDUR SIGURÐSSON

„Þetta leggst bara vel í mig, þetta er ungt fólk með metnaðarfull markmið og að vinna á skemmtilegum markaði. Þetta er spennandi starf sem ég hlakka mikið til að takast á við,“ segir Guðbrandur Sigurðsson sem hóf störf sem framkvæmdastjóri leigufélagsins Heimavalla þann 1. apríl síðastliðinn.

Heimavellir hafa auglýst leigubúðir sínar fyrir einstaklinga og fjölskyldur til langtímaleigu á almennum markaði. Félagið á fasteignir víðsvegar um landið, á höfuðborgarsvæðinu, Suðurlandi, Vesturlandi og Vestfjörðum og heilu fjölbýlishúsin í Borgarnesi, á Akranesi, Selfossi og Þorlákshöfn. Heimavellir byggja á gömlu

um grunni, en félagið myndaðist úr sameiningu nokkurra smærra fasteignafélaga samhliða hlutfjárútkningu. Hluti af uppruna félagsins kom út frá kaupum af Íbúðalánasjóði en félagið hefur einnig verið að kaupa á markaði. Félagið er með tæplega fimm hundruð íbúðir í útleigu.

Guðbrandur hefur gegnt margvíslegum stjórnunarstörfum á undanförunum árum og nú síðast starfaði hann sem framkvæmdastjóri hjá PwC á Íslandi frá árinu 2013. Þar áður var hann framkvæmdastjóri Plastprents frá 2010-2012, samhliða því að reka félag sitt Nýland, sem stofnað var árið 2008 og sinnir útflutningsverkefnum og ráðgjöf. Þá var hann forstjóri Mjólkursamsölunnar árin 2005-2008 og framkvæmdastjóri ÚA á Akureyri, síðar Brims, á árunum 1996-2004.

●● Ein eftirminnileg ganga var upp á Eyjafjallajökul hvítasunnuna áður en gaus svo í jöklinum.

Guðbrandur Sigurðsson

„Þetta er allt öðruvísi heldur en það sem ég hef verið í. Í starfi mínu hjá PwC á Íslandi hef ég verið að sinna rekstri hjá félagi sem er fyrst og fremst í að veita sérfræðipjónustu, en hjá Heimavöllum er ég að veita áþreifanlegri þjónustu. Það er töluverður munur þar á,“ segir hann.

Guðbrandur er með B.Sc. próf í matvælafræði frá Háskóla Íslands og MBA-próf frá Edinborgarháskóla. Hann er kvæntur Rannveigu Pálsdóttur lækni og eiga þau þrjú börn. Utan vinnunnar stundar

hann hreyfingu og er mikið með fjölskyldunni.

„Mér finnst gaman að fara í golf og ferðast, að sjá nýjar slóðir það er alltaf gaman. Helstu áhugamál utan þess eru gönguferðir um náttúru Íslands. Ég var mikill göngugarpur, en það hefur verið aðeins minna upp á síðkastið af því að maður datt svo hrikalega í golfið,“ segir Guðbrandur.

„Það eru margir falletir staðir á Íslandi en það eru nokkrar eftirminnilegar göngur. Ein eftirminnileg ganga var upp á Eyjafjallajökul hvítasunnuna áður en gaus svo í jöklinum. Það var í blankalogni og skínandi sól og ótrúlegt útsýni í allar áttir. Það leit nú ekki út fyrir að yrði gos. Fjallgöngur eru alltaf hittingur á veður, þegar maður fær gott veður þá er það aukabonus,“ segir Guðbrandur. saeunn@frettabladid.is

## Cameron beittur þrýstingi til að taka á skattaskjólum

David Cameron, forsætisráðherra Bretlands, hefur sætt pressu undanfarna daga til að taka á skattaskjólum í ljósi þess að fjölmargir ríkir einstaklingar hafa nýtt sér eyjur á bresku yfirráðasvæði til að stofna aflandsfélög til að forðast skatta. Þrýstingurinn kemur í kjölfar leka frá lögfræðistofunni Mossack Fonseca á Panama-skjólunum svokölluðum, þar sem kemur fram að 100 þúsund aflandsfélög fundust á Bresku Jómfrúaejgunum.

Cameron hefur einnig verið í sviðsljósinu vegna tengsla föður hans, Ians Cameron, við aflandsfélag í skattaskjólum.

Jeremy Corbyn, leiðtogi Verkamannaflokksins, hefur lýst því yfir að ríkisstjórnin þurfi að taka á skattsvikum. Hann lagði til í ræðu í gær að Bretland myndi setja beinar skattareglur á breskum yfirráðasvæðum til þess að

ganga úr skugga um að löndin fylgdu breskum skattareglum. Samkvæmt frétt BBC um málið er talið að Bretland hafi stóru hlutverki að gegna í umræðunni þar sem stór hluti skattaskjóra sé á breskum yfirráðasvæðum, meðal annars á Bresku Jómfrúaejgunum og Ermarsundseyjunum.

Einhver lönd sem hafa tengst afgangseyjum hafa nú þegar hert skattareglur, má þar nefna Sviss, Ermarsundseyjarnar og Lúxemborg, en önnur lönd, meðal annars Panama og Bresku Jómfrúaejurnar, hafa verið gagnrýndar fyrir að gera ekki nóg.

Í næsta mánuði mun Cameron stýra alþjóðlegum leiðtogafundi í London um skattasvik og skattaskjól. Frá árinu 2009 hafa nú þegar sjö hundruð samningar verið undirritaðir til að ýta undir gagnsæi í skattamálum á alþjóðavettvangi. – sg



David Cameron hefur áður talað um að beita sér gegn skattaskjólum. FRÉTTABLAÐIÐ/EPA





Á UPPLEIÐ SNÝR AFTUR Í KVÖLD

## ÍSLENSKT FRAMAFÓLK Á NORÐURLÖNDUNUM



**Sindri Sindrason** snýr aftur með þriðju þáttaröðina af **Á uppleið**. Að þessu sinni kynnumst við metnaðargörnum Íslendingum, af báðum kynjum og á öllum aldri sem þorir að láta draum sinn rætast. **Ekki láta þessa skemmtilegu þætti framhjá þér fara.**



## Kosningar

**Pórunna Jónsdóttir**  
deildarforseti við  
Háskólann í Reykjavík



## Hvað mega frambjóðendur vera margir?

Við Íslendingar göngum til forseta-kosninga þann 25. júní, eftir tvo og hálfan mánuð. Þegar þetta er skrifað hafa 13 einstaklingar lýst yfir áhuga á embættinu. Þrettán! Það eru fleiri en nokkru sinni fyrr. Er þetta ekki aðeins of mikið? segja sumir, „sirkus“ segja aðrir, eigum við ekki að leggja embættið niður? Hvar endar þetta eiginlega? En hvað er æskilegt að forsetaframbjóðendur séu margir? Er það í eðli sinu slæmt að þeir séu margir?

Ég er þeirrar skoðunar að það sé frekar jákvætt að svona margir hafi stigið fram, og vonandi verða nokkrir fleiri búnir að lýsa yfir áhuga áður en framboðsfresti lýkur. Samfélagið okkar er að breytast og ég held að þessi mikli fjöldi sé að einhverju leyti tákn um tíðarandann. Það er auðveldara en nokkru sinni fyrr að hafa rödd í samfélaginu og aðgengi að augum og eyrum fólks án þess að það kosti háar fjárhæðir, það hafa samfélagsmiðlar gert kleift. Það er á einni nóttu hægt að fá hundruð eða þúsundir fylgismanna við hugmyndir eða jafnvel byltingar sem enginn átti von á, né hefðu orðið að veruleika fyrir aðeins örfáum árum.

Það er fagnaðarefni að fólk vilji láta til sín taka, vilji hafa áhrif, vilji skipta máli, og sé ekki feimið við að stíga fram, það væri verra ef hlutirnir væru á hinn veginn og enginn gæfi kost á sér, enginn þætti nógu góður, eða að fólk væri of hrætt við sleggjudóma götunnar (lesist samfélagsmiðla).

Það má vel vera að það verði meiri vinna fyrir okkur kjósendur að kynna okkur hvað frambjóðendur hafa fram að færa, en aðgengi að upplýsingum er nægt og okkur er ekki vorkunn. Það má vel vera að einhverjir frambjóðendur geri sér ekki grein fyrir hversu mikinn eða lítinn stuðnings þeir geti vænst í raun (sbr. Guðni Th. Jóhannesson í Fréttatímanum þann 24. mars sl.), en það ættu úrslit kosninga að skera úr um. Það má vel vera að reglur um forsetakosningar séu orðnar úreltar og að breyta þurfi fyrirkomulaginu, þá þarf að ráðast í það mál. En þangað til skulum við leggja okkur fram um að tala af virðingu um fólkið sem gefið hefur kost á sér, það að margir gefi kost á sér getur engan veginn talist embættinu til minnkunar.

●● **Það er fagnaðarefni að fólk vilji láta til sín taka, vilji hafa áhrif, vilji skipta máli, og sé ekki feimið við að stíga fram.**

## Handsmíðuð píanó í 160 ár



Píanóin hjá Steinway and Sons í Astoria í New York hafa verið handsmíðuð allt frá árinu 1853. Á seinni hluta nítjándu aldar voru hundruð píanóframleiðenda í New York en í dag eru þeir einungis fáeinir. Starfsmenn fyrirtækisins voru önnum kafnir í gær. FRÉTTABLAÐIÐ/EPA

# Mjög óþægilegt bergmál frá fjórða áratugnum



**Lars Christensen**  
alþjóðahagfræðingur

Ég reyni af fremsta megni að verða ekki hrakspámaður en ég verð að viðurkenna að ég sé mjög fjar jákvæðar fréttir um þessar mundir og ég sé sífellt þrjú atriði – mistök í peningamálastefnu/litinn hagvöxt, uppgang öfgamanna í stjórnmálum (Trump, Orban, Erdogan, Pútín, ISIS o.s.frv.) og hraðvaxandi spennu í alþjóðastjórnmálum – sem allt blandast saman í ógeðfelldan kokkteil sem kallar fram minningar um 4. áratuginn og aðdraganda heimstýrjaldarinnar síðari.

Það hefur lengi verið tilgáta mín að samdrátturinn í hinu hnatt-ræna hagkerfi í kjölfar kreppunnar miklu 2008 – sem að mínu áliti var aðallega af völdum misheppnaðrar peningamálastefnu – valdi uppgangi pólitískra öfgastefna í Evrópu (Syriza og Gullín dögum í Grikklandi, Orban í Ungverjalandi, Le Pen í Frakklandi o.s.frv.) og Bandaríkjunum (Trump) og einnig uppbroti og klofningi í stjórnmálum hjá venjulegum lýðræðisþjóðum.

Þetta leiðir til þess að hægri sinn-aðrir lýðskrumarar eins og Donald Trump njóta fylgis, en að sama skapi njóta hópar íslamista, eins og ISIS, fylgis á meðal ungra innflytjenda í til dæmis Frakklandi og Belgíu. Þegar hinn lýðræðislegi valkostur missir aðdráttarafl sitt vinna öfgamenn og lýðskrumarar á. Hraðvaxandi stuðningur við þjóðernissinnuð öfl, sérstaklega í Mið- og Austur-Evrópu er að sama skapi áhyggjuefni.

Hin landfræðipólitíska útgáfa af þessu er Úkraína og Sýrland (og að vissu leyti Suður-Kínahaf). Með

engum hagvexti eykst aðdráttarafl verndarstefnu og að lokum stríðs.

Því miður eru hliðstæðurnar við 4. áratuginn mjög skýrar – án þess að ýkja neitt skuluð þið reyna að líta á þetta:

- 1) Stríðið í Sýrlandi samanborið við spænska borgarastríðið: Bein og óbein aðild erlendra einræðisríkja (Stalín/Hitler og Erdogan/Pútín)
- 2) Verðhjóðnun evrusvæðisins samanborið við verðhjóðnun gullfótarins.
- 3) Uppgangur lýðskrumara og öfgamanna: Kommúnistar, nasistar og fasistar samanborið við Syriza, Gullna dögum, Jobbik, Orban, svæðisbundna aðskilnaðarstefnu í Evrópu, andúð á innflytjendum, Trump og ISIS o.s.frv.
- 4) Veiking (hnignun?) lýðræðisstofnana: Weimar-lýðveldið samanborið við pólitískan klofning í Evrópu – veikar og óvinsælar minnihlutastjórnir með engan „pólitískan styrk“ til að framkvæma efnahagslegar endurbætur í Evrópu.

Kannski eru þetta of miklar hrakspár, en maður verður að vera blindur á lexiur sögunnar til að sjá þetta ekki. Það þýðir samt ekki að sagan muni endurtaka sig – það vona ég sannarlega ekki – en ef við hunsum það sem er líkt með 4. áratugnum mun ástandið aðeins versna.

Besta leiðin til að komast hjá hryllingi 4. áratugarins er að efla hagvöxt, og hér er bæði þörf á að auka eftirspurn á heimsvísu – frekari og mun stórtækari slökun á peningamálastefnu bæði í Bandaríkjunum og Evrópu – og að koma á gagngerum kerfisumbótum. Ef við gripum ekki til slíkra stefnubreytinga er greinilega hættu á að aðdráttarafl þjóðernissinnaðra lýðskrumara muni aukast og að um leið munum við sjá aukna röt-tækni á meðal ungra innflytjenda í Evrópu.

Svo ef okkur er alvara með að berjast gegn öfgastefnum og hryðjuverkum verðum við að auka verulega viðleitni okkar til að örva hagvöxt, sérstaklega í Evrópu.

## Uppgjörið heldur áfram



## Hin hliðin

**Martha Árnadóttir**  
framkvæmdastjóri  
Dokkunnar

Það er hálf asnalegt að stinga niður penna þessa dagana án þess að minnast á þá krísu sem nú ríkir í íslenskum stjórnmálum. Krísan er stór, hún er ekki lagatæknileg, hún er ekki samsæri, hún er ekki misskilningur, hún er ekki per-

sónuleg og það sér ekki fyrir endann á henni.

Í náttúrunni er það þannig að stórum skjálftum fylgja oft fjölmargir minni skjálftar sem gjarnan eru kallaðir eftirskjálftar. Mikill ötti og kvíði fylgir oft eftirskjálftum því fólk er enn þá í sjokki og stóri skjálftinn enn í fersku minni, fólk býst við hinu versta. Viðbrögðin eru auðvitað eftir því, fólk verður ofsahrætt sem brýst út í mikilli reiði, sem aftur getur orðið orka sem kemur hlutum á hreyfingu, fólk fer að berjast fyrir því að komast í skjól, finna aðrar mann-

eskjur til að taka höndum saman með og hjálpað að. Góð samfélög skipuleggja sig þannig að þau hafa ákveðna ferla sem fara í gang í stórum náttúruhamförum eins og jarðskjálftum – á Íslandi eru þetta Almannaþingir ríkisins.

En hvað er til ráða þegar hamfarir verða á hinu pólitíska sviði? Á Íslandi höfum við afar veika ferla sem segja til um hvernig við getum tekið skaðvald út fyrir sviga og sett hann í hlé, hann ræður því sjálfur hvort eða hvenær hann vikur af sviðinu. Hefðin vinnur heldur ekki með okkur þarna.

●● **Á Íslandi höfum við afar veika ferla sem segja til um hvernig við getum tekið skaðvald út fyrir sviga og sett hann í hlé, hann ræður því sjálfur hvort eða hvenær hann vikur af sviðinu.**

Á Íslandi er það líka þannig að þingið, sem formlega er sá aðili sem getur tekið skaðvaldinn, ef hann er ráðherra eins og við glímum við

núna, út fyrir sviga, er yfirleitt í gislingu skaðvaldsins og hans meðreiðarsveina og -meyja sem hreyfa hvorki legg né lið fyrir en Austurvöllur brennur.

Við erum stödd í miðjum eftirskjálfta eftir stóra skjálftann 2008, það er enn þá gríðarleg spennan sem þarf að losna til að fólk treysti því að skjálftahrinan sé gengin yfir. Krísan snýst ekki um peningana hans SDG eða hvað hann sagði eða lét ósagt, krísan er partur af stóru uppgjöri sem þarf að klárast og á meðan því er ólokið þá skelfur jörðin.



Ég er með  
ofnæmi fyrir  
því að vera þar  
sem er of mikið  
af fólki. Ég verð  
bara lasinn.

Dagur, 9 ára

**Blár er alþjóðlegur litur einhverfu.** Rétt eins og blæbrigði bláa litarins eru birtingarmyndir einhverfu óteljandi því hver einstaklingur hefur sinn stað á rófinu með öllum þeim áskorunum sem einhverfu fylgja.

Blár apríl er árlegt vitundaráttak Styrktarfélags barna með einhverfu. Leggjum áttakinu lið og beinum sjónum okkar að málefnum barna með einhverfu – því lífið er blátt á mismunandi hátt.

**#blarapril**

**☎ 902 1010**



**BLÁR APRÍL**

Styrktarfélag barna  
með einhverfu



## Stjórnar- maðurinn

@stjornarmadur

## Einn sökudólgur

**Staða forsætisráðherra** var orðin vonlaus eftir uppljóstranir um eignir hans og konu hans í aflandsfélaginu Wintris Inc. á Tortóla. Afsógn Sigmundar Davíðs var óumflýjanleg eftir að hann var hirtur eins og óþekkur skólastrákur af forseta.

**Það er þó ekki** sú staðreynd að þau hjón hafi átt félagið eða að forsætisráðherra hafi vanrækt að gera grein fyrir eign sinni í hagsmunaskráningu (sem hann sannanlega átti að gera) sem kom honum verst, heldur voru það miklu frekar viðbrögð Sigmundar við uppljóstruninni sem gera útslagið.

**Í fyrsta lagi** var frammistaða Sigmundar í viðtalinu fræga ekki boðleg. Það hefur hann sjálfur viðurkennt. Forsætisráðherra verður að hafa langlundargeð og manndóm til að svara erfiðum spurningum.

**Í öðru lagi** þá laug forsætisráðherra blákalt í viðtalinu, þegar hann sagðist aldrei hafa átt aflandseignir. Það eitt ætti að vera frágangssök.

**Í þriðja lagi** þá hafa viðbrögðin verið í besta falli fánæg. Af hverju heyrðist hvorki hósti né stuna frá honum um tilvist viðtalsins þær þrjár vikur sem liðu frá því það var tekið, og þar til það var sýnt? Hvernig má það vera að endaleikurinn hafi verið sá að arka umboðslaus á Bessastaði, til þess eins að snúa aftur með skottið milli lappana?

**Síðast** en ekki sist hefur Sigmundur gert Ísland að athlægi um víða veröld. Sú staðreynd að tíðindin rati í alþjóðlega stórmíðla gerir hugmyndir um samsæri Ríkisútvarpsins í besta falli hlægilegar.

**Sigmundur Davíð** og hans ríkisstjórn unnu marga stóra sigra. Efnahagsmálin hafa stórbatnað og uppgjöri gömlu bankanna er við það að ljúka. Þá glittir í afnám gjaldeyrishafta.

**Það er synd** að svona hafi þurft að fara, en sökudólgurinn er aðeins einn. Sigmundur Davíð sjálfur.



Fáðu þér appið!  
www.fasteignir.is



## 950

**MILLJÓNIR IPHONE HAFNA SELST**

Í lok árs 2015 hafði Apple selt 896 milljónir iPhone-síma á átta árum. Samkvæmt spám greiningaraðila á Wall Street mun Apple hafa selt fimmtíu milljónir síma á fyrsta ársfjórðungi 2016 og mun því hafa selt 950 milljónir fram að þessu. Spáð er að Apple muni selja milljarðasta símann í júlí.

## 6,5

**MILLJÓNIR GISTINÁTTA**

Seldar gistinætur voru 6,5 milljónir hér á landi árið 2015 og fjölgaði um 19 prósent frá fyrra ári. Gistinætur erlendra ferðamanna voru 86 prósent af heildarfjölda gistinátta og fjölgaði um 27 prósent frá fyrra ári. Gistinóttum Íslendinga fækkaði um 14 prósent.

05.04.2016



Ég er stoltur af verkum mínum í stjórnámálum til þessa og óhræddur við að leggja þau í dóm kjósenda hvort sem það verður gert nú eða síðar. Ég er líka stoltur af eiginkonu minni og þeim heiðarleika og förnfyri sem hún hefur ætíð sýnt.

Sigmundur Davíð Gunnlaugsson



# „MIKILVÆGASTA SÝNING LEIKHÚSANNA“ - DV

Morgunblaðið DV Fréttablaðið

# „FRÁBÆR ILLSKA“ - hugrás.is

„Hefði ég ekki andúð á hæsta stigi lýsingarorða myndi ég að lokum lofsyngja hástemmd alla aðstandendur en verð að láta mér nægja að hvetja fólk til að sjá þessa mikilvægu sýningu.“  
-Víðsjá

# „ÓSKAPLEGA ÁHRIFARÍK“ - Kastljós

„...sýningin er svo spennandi að á köflum stendur maður á öndinni, hún er líka svo háðsk að ískrar í manni og svo hjartanlega skemmtileg að maður hlær eins og barn. Þegar öllu er á botninn hvolft er hún svo mannleg að maður kemst við.“  
-Kvennablaðið

# Óskabörn ógæfunnar ILLSKA

í samstarfi við Borgarleikhúsið - 568 8000